



KEMPEN #DIGITALPERAKWECARE BANTU TANGANI COVID-19

DIGITALPERAK MENGHASILKAN TOPENG PELINDUNG MUKA KEPADA PARA PETUGAS BARISAN HADAPAN KEMENTERIAN KESIHATAN MALAYSIA (KKM) DAN ANGKATAN TENTERA IPOH DI PERAK

IPOH, MAC 30, 2020 – Pihak Digital Perak Corporation Holdings (DigitalPerak) membantu kebajikan para petugas perubatan barisan hadapan di Perak dengan sumbangan topeeng pelindung muka (face shield) bagi mencegah penularan wabak Covid-19 semasa bekerja.

Dengan kelengkapan empat buah mesin cetakan 3D dan kepakaran yang sedia ada, DigitalPerak menghasilkan topeeng pelindung muka dengan reka bentuk yang membolehkan bahagian plastik topeeng tersebut ditukar.

Reka bentuk tersebut telah dikongsikan oleh En. Sujana Mohd Rejab, yang lebih dikenali sebagai Pak Su, daripada MyVista, sebuah syarikat pengusaha mesin pencetak 3D.

Projek ini juga mendapat kerjasama daripada kumpulan 3D Printing Malaysia Community for Covid-19 sebagai sumber rujukan dan bekalan bahan mentah cetakan.

Walaupun dua unit topeeng pelindung muka ini memerlukan lebih kurang sejam lebih untuk siap dicetak serentak, pihak DigitalPerak menyasarkan sumbangan sebanyak 500 unit untuk diagihkan kepada hospital dan klinik kesihatan sekitar Perak yang menjadi pusat rujukan dan rawatan Covid-19 serta 702 Pusat Perubatan Angkatan Tentera Ipoh (PPAT) yang telah bermula pada hari ini.

Sumbangan ini dapat membantu meringankan masalah bekalan peralatan perubatan yang dihadapi oleh hospital, klinik dan pusat perubatan tersebut seperti yang menghadapi kekurangan peralatan perlindungan peribadi (Personal Protective Equipment) dan cermin mata keselamatan (goggles) supaya para petugas perubatan yang mengendalikan kes-kes Covid-19 dapat dilindungi daripada risiko jangkitan.



DigitalPerak mengalu-alukan sumbangan barangan daripada badan-badan korporat dan orang perseorangan untuk bahan mentah bagi cetakan topeeng pelindung muka seperti filamen mesin cetak 3D, getah jahitan dan helaian PVC lutsinar saiz A4

Bagi mereka yang ingin menghulurkan bantuan kewangan, sumbangan boleh disalurkan melalui transaksi atas talian perbankan internet kepada akaun **08-095-01000-1290 (Bank Islam Malaysia Berhad, Cawangan Meru Raya)** atas nama **Digital Perak Corporation Holdings** dengan rujukan **DigitalPerakWeCare.**

